

መጋቢት መድኃኔ ዓለም ክብረ በዓል ሥርዓተ ማኅሌት

ሚካኤል ሊቀ መላእክት ሰአል በእንቲአነ፤

ወቅዱስ ገብርኤል አዕርግ ጸሎተነ።

፬ቱ እንስሳ መንፈሳውያን ፣ ሰባሕያን ወመዘምራን፤

ሰአሉ በእንቲአነ፤

፳ወ፬ቱ ካህናተ ሰማይኒ አእርጉ ጸሎተነ።

ነቢያት ወሐዋርያት ፣ ጸድቃን ወሰማዕት፤

ሰአሉ በእንቲአነ፤

ምስሌክሙ ከመ ይክፍለነ ፣ መክፈልተ ወርሱተ ለኹልነ።

መጋቢት መድኃኔ ዓለም ክብረ በዓል ሥርዓተ ማኅሌት

ማኅበረ ቅዱሳን ወሰማዕት ሰአሊ በእንቲአነ፤

መላእክተ ሰማይኒ አእርጉ ጸሎተነ።

ማርያም እግዝእትነ ወላዲተ አምላክ ሰአሊ በእንቲአነ፤

እስመ ረከብኪ ሞገሰ በኀበ እግዚአብሔር።

ረከብኪ ሞገሰ መንፈሰ ቅዱሰ ወኃይለ ሰአሊ አስተምሕሪ
ለነ ማርያም ወልድኪ ሣህሎ ይክፍለነ።

መጋቢት መድኃኔ ዓለም ክብረ በዓል ሥርዓተ ማኅሌት

ኅብ ተርኅወ ገነት ወኅብ ተነፅፈ ዕረፍት ይክፍለነ
ነሃሉ ውስተ በዓቶሙ ለቅዱሳን። ፫ ጊዜ

◀◀◀ ጸሎት ▶▶▶

መጋቢት መድኃኔ ዓለም ክብረ በዓል ሥርዓተ ማኅሌት

መሪና ተመሪ ይበሉ

ስምዓኒ እግዚአብሔር ደሎትየ ሃሌ ሉያ ሃሌ ሉያ
ወይብዳሕ ቅድሚኑ ገዢየ ሃሌ ሉያ ሃሌ ሉያ
ወኢትሚጥ ገደክ እምነየ።

አንሺ

ስምዓኒ እግዚአብሔር ደሎትየ ሃሌ ሉያ ሃሌ ሉያ
ወይብዳሕ ቅድሚኑ ገዢየ ሃሌ ሉያ ሃሌ ሉያ
ወኢትሚጥ ገደክ እምነየ።

መጋቢት መድኃኔ ዓለም ክብረ በዓል ሥርዓተ ማኅሌት

ተመሪ

በዕለተ ምንዳቤየ አፅምኝ እዝነከ ኀቤየ

ሃሌ ሉያ ሃሌ ሉያ

አመ ዕለተ እጼውዓከ ፍጡነ ስምዓኒ ሃሌ ሉያ ሃሌ ሉያ

በኅብረት

ለዓለም ወለዓለም።

ሃሌ ሉያ ዘውእቱ ብሂል፤

ንወድሶ ለዘሀሎ እግዚአብሔር ልዑል፤

ስቡሕ ወውዱስ ዘሣረረ ኹሎ ዓለመ በአሐቲ ቃል።

መጋቢት መድኃኔ ዓለም ክብረ በዓል ሥርዓተ ማኅሌት

ስምዓኒ እግዚአብሔር ጸሎትህ ሃሌ ሉያ ሃሌ ሉያ
ወይብዳሕ ቅድሚክ ገዓርህ ሃሌ ሉያ ሃሌ ሉያ
ወኢትሚጥ ገጸክ እምነህ።

በዕለተ ምንዳቤህ አፅምኝ እዝነክ ኀቤህ ሃሌ ሉያ ሃሌ ሉያ
አመ ዕለተ እጼውዓክ ፍጡነ ስምዓኒ ሃሌ ሉያ ሃሌ ሉያ
ለዓለም ወለዓለም።

ሁለተኛ ማንኛ ሃሌ ሉያ ዘውኢቱ ብሂል፤

ንወድሶ ለዘሀሎ እግዚአብሔር ልዑል፤

የመጀመሪያ ማንኛ

ስቡሕ ወውዱስ ዘሣረረ ኩሎ ዓለመ በአሐቲ ቃል።

መታቢት መድኃኔ ዓለም ክብረ በዓል ሥርዓተ ማኅሌት

በኅብረት ዜማ

ዳዊት ነቢይ በከመ ጸለየ፤

እጼሊ ኅቤከ እግዚአብሔር አምላኪየ፤

እንዘ እብል ከመዝ ጸወንየ ወኰኩሐየ፤

ወታድኅነኒ ሊተ እም እደ ጸላእትየ፤

ወዓቃቤየ ትከውነኒ ወእትዌከል ብከ ምእመንየ፤

ወዘመነ ፍርቃንየ ረዳኢየ ወምስካይየ ወሐይወትየ፤

ወታድኅነኒ እምእደ ገፋኢየ፤

ሃሌ ሉያ በሰብሐት እጼውዓከ ንጉሥየ ወአምላኪየ።

መጋቢት መድኃኔ ዓለም ክብረ በዓል ሥርዓተ ማኅሌት

ሚካኤል መልአክ ሰአል ወጸሊ በእንቲአነ፤ ወበእንተ
ነፍሰ ኩልነ ፤ መልአኪያ ይቤሎ፤ እመላእክት ሠምሮ
መልአክ ኪዳኑ ለክርሰቶስ።

ሰላም ለክሙ ማኅበረ መላእክት ትጉሃን፤

ሰላም ለክሙ ማኅበረ ነቢያት ቅዱሳን፤

ሰላም ለክሙ ማኅበረ ሐዋርያት ፍንዋን፤

ሰላም ለክሙ ማኅበረ ሰማዕት ወጸድቃን፤

ሰላም ለክሙ ማኅበረ ሥላሴ ግብኝን፤

ወሰላም ለማርያም ዘእሳት ክዳን።

መጋቢት መድኃኔ ዓለም ክብረ በዓል ሥርዓተ ማኅሌት

ማኅበረ መላእክት ወሰብኦ ተአይነ ክርስቶስ ወኒሙ፤
ሰላም ለከሙ ሶበ ኢከሰት አፋየ ለውዳሴከሙ፤
ፍሬ ማኅሌት ኢምልሳንየ ትቅስሙ፤
ምስሌየ ሀልዉ ወምስሌየ ቁሙ።

መጋቢት መድኃኔ ዓለም ክብረ በዓል ሥርዓተ ማኅሌት

ሰላም ለአብ ወለወልድ ቃሉ፤

ወለመንፈስ ቅዱስ ሰላም ዘአካሎሙ አካሉ፤

ለማርያም ሰላም እንተ ተሳተፈት ስብሐተ እሉ፤

ሰላም ለመላእክት ወለማኅበረ በኩር ኩሉ፤

ጽሑፋን መልክእ ወስም በሰማይ ዘላዕሉ።

መጋቢት መድኃኔ ዓለም ክብረ በዓል ሥርዓተ ማኅሌት

ሰላም ለአብ ገባሬ ኩሉ ዓለም፤

ለወልድ ሰላም ፤ ወለመንፈስ ቅዱስ ሰላም፤

ለማርያም ሰላም ወለመላእክት ሰላም፤

ሰላም ለነቢያት ወለሐዋርያት ሰላም፤

ለሰማዕታት ሰላም ወለጳድቃን ሰላም።

መጋቢት መድኃኔ ዓለም ክብረ በዓል ሥርዓተ ማኅሌት

ሰላም ለአብ ዘእምቅድመ ዓለም ነጋሢ፤

ለወልድ ሰላም ሥጋ ማርያም ለባሰ፤

ወለመንፈስ ቅዱስ ሰላም ኃጢአተ ዓለም ደምሳሰ።

ኃይልየ ሥላሴ ወጸወንየ ሥላሴ፤

በስመ ሥላሴ እቀጠቅጥ ከይሴ።

ነግሥ

ሰላም ለኩልያቲክሙ እለ ዕሩያን በአካል፤
ዓለመክሙ ሥላሴ አመ ሐወጸ በሣህል፤
እምኔክሙ አሐዱ እግዚአብሔር ቃል፤
ተፈጸመ ተሰፋ አበው በማርያም ድንግል፤
ወበ ቀራንዮ ተተክለ መድኃኒት መስቀል።

ዚቅ

ሃሌ ሉያ ለአብ በመስቀሉ አተበነ፤

ሃሌ ሉያ ለወልድ በመስቀሉ ቤዘወነ፤

ሃሌ ሉያ ለመንፈስ ቅዱስ በመስቀሉ ኮነ ሕይወት።

ዓዲ

በመስቀልክ ርድኣነ፤ ወበሣህለክ ሐውጸነ፤ ተወከፈነ
ኖላዊሃ ወዓቃቢሃ ለነፍሰነ።

መጋቢት መድኃኔ ዓለም ክብረ በዓል ሥርዓተ ማኅሌት

ሰላም ለክሙ ሚካኤል ወገብርኤል፤

ሱራፌል ወኪሩቤል ፤ ዑራኤል ወሩፋኤል፤

ሱርያል ወፋኑኤል ፤ አፍኒን ወራጉኤል ወሳቁኤል፤

ወሰላም ለቅዳሴክሙ

ትጉጎን ሰማይ ዝክሩን በጸሎትክሙ።

መጋቢት መድኃኔ ዓለም ክብረ በዓል ሥርዓተ ማኅሌት

ሰላም ለክሙ ሚካኤል ወገብርኤል፤

ሱራፌል ወኪሩቤል ፤ ዑራኤል ወሩፋኤል፤

ሱርያል ወፋኑኤል ፤ አፍኒን ወራጉኤል ወሳቁኤል፤

ሊቃናተ ነድ ፤ ዘሰማያዊት ማኅፈድ፤

በእንተ በግዑ ዕቀብዋ ለዛቲ ዓፀድ።

መጋቢት መድኃኔ ዓለም ክብረ በዓል ሥርዓተ ማኅሌት

ሰላም ለክሙ ሚካኤል ወገብርኤል፤

ሱራፌል ወኪሩቤል ፤ ዑራኤል ወሩፋኤል፤

ሱርያል ወፋኑኤል ፤ አፍኒን ወራጉኤል ወሳቁኤል።

ወሰላም ለከናፍሪክሙ፤

ከመ ትዕቀቡን ተማኅፀን ለክርስቶስ በደሙ።

መጋቢት መድኃኔ ዓለም ክብረ በዓል ሥርዓተ ማኅሌት

ሚካኤል ወገብርኤል ሱራፌል ወኪሩቤል
እለ ትሴብሕዎ መላእክተ ሰማይ ሰአሉ ለነ
አስተምሕሩ ለነ ፤ ቅድመ መንበሩ ለእግዚእነ።

ሰላም ለከ ሊቀ መላእክት ሚካኤል፤
ወዲበ ሠናይትከ ዓዲ ለሰብእ ሣህል፤
አሐዱ እምእለ ይባርክዎ ለቃል፤
እዙዝ ዲበ ሕዝብ ከመ ትተንብል፤
በእንተ ሥጋሁ ነበልባል ርዕሰነ ከልል።

መጋቢት መድኃኔ ዓለም ክብረ በዓል ሥርዓተ ማኅሌት

ሰላም ለከ ንሥረ እሳት ዘራማ፤
ማኅሌታይ ሚካኤል መዓርዒረ ዜማ፤
ለረዲኦትከ ዲቤነ ሲማ፤
ለማኅበርነ ከዋላሃ ዕቀብ ወፍጽማ፤
እመራደ ነኪር አፀንፅ ኑኃ ወግድማ።

መጋቢት መድኃኔ ዓለም ክብረ በዓል ሥርዓተ ማኅሌት

ሰላም ለሚካኤል ዘነድ ሠራጉ፤

ይትከሃን ወትረ በበምስዋዒሁ፤

እምቅዱሳን አሐዱ እምእለ ይተግሁ፤

ሐዋዝ በአርያም መኃልይሁ፤

ነጐድጓደ ሰብሐት ግሩመ ይደምፅ ጉህናሁ።

መጋቢት መድኃኔ ዓለም ክብረ በዓል ሥርዓተ ማኅሌት

መልክክ ሚካኤል

ሰላም ለልሳንክ መዝሙረ ቅዱሴ ዘነበልባል፤
ወለድምፀ ቃልክ ሓዋዝ ቀርነ መንግሥቱ ለቃል፤
ሞገሰ ክብሩ ሚካኤል ለተላፊኖስ ባዕል፤
አልቦ ዘይትማሰለክ በልማደ ምሕረት ወሣህል፤
እንበለ ባሕቲታ እኅትክ ማርያም ድንግል።

መጋቢት መድኃኔ ዓለም ክብረ በዓል ሥርዓተ ማኅሌት

ንዌጥን ዝክረ ውዳሴሆሙ ለነቢያት ወሐዋርያት፤

ለጻድቃን ወሰማዕት፤

ለአእላፍ መላእክት ዘራማ ኃይላት፤

ለምልዕተ ፀጋ ማርያም ቡርክት፤

ወለሥግዑ ወልዳ ነባቢ እሳት።

ንዌጥን ዝክረ ወድሶታ ለመንፈሳዊት ርግብ፤

ዘመና ልሁብ፤

እምከናፍሪሃ ይውኅዝ ሐሊብ፤

ተፀውረ በማኅፀና እሳት ዘኮሬብ፤

ወኢያውኢያ ነድ ወላህብ።

መጋቢት መድኃኔ ዓለም ክብረ በዓል ሥርዓተ ማኅሌት

ማኅፀንኪ እግዝእትየ ማርያም ይከብር ምስብዒት፤
እምጽርሐ አርያም ዘላዕሉ ወእምኪሩቤል ትርብዕት፤
፱ተ አውራጋ ወሐምስተ ዕለት፤
ፆረ ዘኢይፀወር መለኮት፤
አግመረ ዘኢይትገመር እሳት።

መጋቢት መድኃኔ ዓለም ክብረ በዓል ሥርዓተ ማኅሌት

ላይ ቤት በተቆመ ጊዜ የሚባል

ይትባረክ ስምኪ ማርያም ዘአውጻእክነ እምጸድፍ፤

በርኅራኄኪ ትሩፍ፤

ይሴብሐኪ ኪሩቤል በዘኢያረምም አፍ፤

ሐራ ሰማይ ትጉሃን እጉዛነ ሰይፍ፤

ኅላቋሆሙ አእላፍ፤

እምሳለ ደመና ይኬልሉኪ በክንፍ።

ቀጥለህ “ለዝክረ ስምኪ ዘመንክር ጣዕሙን” በል

መጋቢት መድኃኔ ዓለም ክብረ በዓል ሥርዓተ ማኅሌት

በታች ቤት ይኸንን በል

ምንተ አአሰዮ ለእግዚአብሔር አሐተ፤

በእንተ ኩሉ ዘገብረ ሊተ፤

ርሰዱኒ እሙ አሰምሮ ግብተ፤

ማርያም እግዝእትዮ ዘሜጥኪ እሳተ፤

ድኅረ በጽሐ ልሣኑ ዘለኪ ቤተ።

መጋቢት መድኃኔ ዓለም ክብረ በዓል ሥርዓተ ማኅሌት

ሰላም ለአፋኪ አፈ በረከት ትሩፍ፤

ወአንቀፀ ቅዱስ መጽሐፍ፤

አማኅፀንኩ ነፍሰዩ በኪዳንኪ ውኩፍ፤

ኢይትጎፈር ቅድመ ወልድኪ ወመላእክቲሁ አእላፍ፤

አመ ሥርወ ልሳን ይትገዘም ወይትሐተም አፍ።

መጋቢት መድኃኔ ዓለም ክብረ በዓል ሥርዓተ ማኅሌት

ሰላም ለዝክረ ስምኪ ዘመንክር ጣዕመ፤

ለወልድኪ አምሳለ ደመ፤

መሠረተ ሕይወት ማርያም ወጥንተ መድኅኒት
ዘእምቀዲመ፤

ኪያኪ ሠናይተ ዘፈጠረ ለቤዛ ዓለመ፤

እግዚአብሔር ይትባረክ ወይትአኩት ስመ።

መጋቢት መድኃኔ ዓለም ክብረ በዓል ሥርዓተ ማኅሌት

ዚቅ

መድኃኔ ዓለም ወልድኪ ሥጋ ዚአኪ ዘለብሰ፤
ሐፃውንተ መስቀል ተአገሠ፤
በዓውደ ጲላጦስ ተወቅሶ፤
አማዑትኪ ተካወሰ።

ዓዲ

ነያ ሠናይት ቅድስት ማርያም ቤተ ክርስቲያን
ዘበእንቲአሃ ተሰቅለ መድኅን በደሙ ቤዘዋ በዕፀ መስቀለ
ዓተባ።

መጋቢት መድኃኔ ዓለም ክብረ በዓል ሥርዓተ ማኅሌት

ሰላም ለዝክረ ስምክ ዘኢረከቡ ተፍጻሜተ፤
መልእክተ ሰማይ ወምድር እለ ለመዱ ስብሐተ፤
መድኃኔ ዓለም ተወከፍ እንተ አቅረብኩ ንስቲተ፤
ዘሰተይከ በእንቲአየ ከርቤ ወሐሞተ በሞተ፤
ዚአከ ከመ ትቅትል ሞተ።

ዚቅ

ወወደዩ ሐሞተ ውስተ መብልዕየ፤
ወአስተዩኒ ብሂዓ ለፅምዕየ፤
ወወደዩ ሐሞተ ውስተ ምብልዕየ።

መጋቢት መድኃኔ ዓለም ክብረ በዓል ሥርዓተ ማኅሌት

ዓዲ ዚቅ

ወከቅደምከ ጸግዎ መንፈሰከ ቅዱሳ ለሥርየተ ኃጢአት፤
አክሊል ዘሦከ አስተቀጸሉከ ዘበሰማያት ለነ አክሊል
ጽድቅ አስተዳሎከ ፤ ሰቀሉከ ዲበ ዕፅ ፤ ብሂዓ ዘምስለ
ሐሞት አስተዩከ ፤ ከመ ለነ ታሰትየነ ወይነ ትፍሥሕት
ወሐሣት፤ ረገዙከ በኲናት ወተርኅወ ገቦከ፤ ከመ ለነ
ተህበነ ሥጋከ ቅዱሳ ወደምከ ክቡረ፤ ከመ ትጸግወነ።
ቅዱሳ ወደመከ ክቡረ ከመ ትጸግወነ።

መጋቢት መድኃኔ ዓለም ክብረ በዓል ሥርዓተ ማኅሌት

ወረብ

ወከቅደምከ ጸግዎ /፪/ መንፈሰከ/፪/

ኣክሊለ ጽድቅ ኣሰተዳሎከ በሰማያት ኣክሊለ ጽድቅ/፪/

መጋቢት መድኃኔ ዓለም ክብረ በዓል ሥርዓተ ማኅሌት

መልክክ መድኃኔ ዓለም

ሰላም ለጉርዜክ ክቡር ወልዑል፤

ወለክሣድክ ዓዲ ዘሰሐብዎ በሐብል፤

መድኃኔዓለም ክርስቶስ በቀራንዮ ስቁል፤

በለኒ መሐርኩክ በእንተ ማርያም ድንግል፤

እስመ ኄር አልቦ እንበሌክ ቃል።

ወረብ

በለኒ መሐርኩክ /፪/ በእንተ ማርያም ድንግል/፪/

እስመ ኄር አልቦ እንበሌክ ዘይሜሕር ቃል


መድኃኔዓለም/፪/

መጋቢት መድኃኔ ዓለም ክብረ በዓል ሥርዓተ ማኅሌት

ዚቅ

በእንተ ማርያም ወላዲትከ፤
ወበእንተ ዮሐንስ መጥምቅከ፤
ወበእንተ ኩሎሙ ቅዱሳኒከ፤
ርድኣነ ወትረ በኃይለ መስቀልከ፤
ኢታስተኃፍረነ እግዚአ በቅድሜከ።

ዓዲ ዚቅ ወወረብ



መጋቢት መድኃኔ ዓለም ክብረ በዓል ሥርዓተ ማኅሌት

ዓዲ ዚቅ

በአማን ቃልከ አዳም፤ ዘተሰቀልከ በእንተ ኃጥዓን ከመ
ትቤዙ ነፍሰ ጸድቃን፤ በአማን ቃልከ አዳም፤ በአማን
ቃልከ አዳም።

ወረብ

በእንተ ማርያም ወላዲትከ ወበእንተ ዮሐንስ መጥምቅከ/፪/
ርድኣነ ወትረ በኃይለ መስቀልከ።/፪/

ግድግዳ

መጋቢት መድኃኔ ዓለም ክብረ በዓል ሥርዓተ ማኅሌት

መልክክ መድኃኔ ዓለም

ሰላም ለልብከ እግዚአብሔር ናዝራዊ፤ ነቢይ ወመንፈሳዊ፤
መድኃኔ ዓለም ክርስቶስ ሕፃን ወአረጋዊ፤
እፎ፤ እፎ ቀሠፉከ ካህናተ ይሁዳ ወሌዊ፤
በአውደ ጲላጦስ መስፍን ከመ ገብር አላዊ።

ዚቅ

ወጸሐፈ ጲላጦስ መጽሐፈ፤ ወይብል መጽሐፉ ኢየሱስ
ናዝራዊ ንጉሠ አይሁድ።

መጋቢት መድኃኔ ዓለም ክብረ በዓል ሥርዓተ ማኅሌት

ወረብ

ወጸሐፊ መጽሐፈ ጲላጦስ ወይብል መጽሐፉ ጲላጦስ
ዘጸሐፈ/፪/

ኢየሱስ ናዝሬዊ ንጉሥ ናዝሬዊ ንጉሠ አይሁድ።/፪/

መጋቢት መድኃኔ ዓለም ክብረ በዓል ሥርዓተ ማኅሌት

መልክክ መድኃኔዓለም

ሰላም ለጸዓተ ነፍሰክ አመ ዲበ መስቀል ቆመ፤

ወለበድነ ሥጋክ ምዑዝ እንተ ያጥዒ ሕሙመ፤

መድኃኔዓለም ክርስቶስ ከመ ትቤዙ ዓለመ፤

አሜሃ እግዚእየ ፀሐይ ጸልመ፤

ወወርኅኒ ተመሰለ ደመ።

መጋቢት መድኃኔ ዓለም ክብረ በዓል ሥርዓተ ማኅሌት

ዚቅ

ምድር አድለቅለቀት ወሰማይ ተህውከ ሶበ ትወጽእ
መንፈሱ ለኢየሱስ።

ዓዲ ዚቅ

ሶበ ሰቀልዎ ሶበ ሰቀልዎ፤ ሶበ ሰቀልዎ ለእግዚእነ ፀሐይ
ጸልመ ወወርኅ ደመ ኮነ፤ ዬ ዬ ዬ፤ አድለቅለቀት
ምድር ወተከሥቱ መቃብራት።

ወረብ

ምድር አድለቅለቀት ወሰማይ ተሐውከ/፪/
ሶበ ትወጽእ መንፈሱ ለኢየሱስ/፪/

መጋቢት መድኃኔ ዓለም ክብረ በዓል ሥርዓተ ማኅሌት

መልክክ መድኃኔዓለም

ሰላም ለግንዘተ ሥጋክ ዘመዓዛሁ ጽጌረዳ፤
ወለመቃብሪክ ዘኮነ ለኢየሩሳሌም በዓውዳ፤
መድኃኔዓለም ክርስቶስ በቅንዓተ ሰይጣን ዘይሁዳ፤
ሞተ ወተቀብረ በመቃብረ ሐዳስ እንግዳ፤
ኀብ ኢተቀብሩ ለሐዋን ውሉዳ።

ዚቅ

አውረድዎ እምዕፅ ዕደው ጻድቃን፤ ወአምጽኡ አፈዋተ
ከርቤ ሕውስ ወልብሰ ገርዜን ንጹሕ ለግንዘተ ሥጋሁ።

ወረብ



መጋቢት መድኃኔ ዓለም ክብረ በዓል ሥርዓተ ማኅሌት

ወረብ

አውረድዎ/፫/ እምዕፅ/፬/፤

ወአምጽኡ አፈዋተ ከርቤ ሕውስ/፭/።

መጋቢት መድኃኔ ዓለም ክብረ በዓል ሥርዓተ ማኅሌት

ምስባክ

እግዚአብሔርሰ ንጉሥ ውጊቱ እምቅድመ ዓለም።
ወገብረ መድኃኒተ በማዕከለ ምድር።
አንተ አጽናእካ ለባሕር በኃይልከ።

እግዚአብሔር ግን ከዓለም አስቀድሞ ንጉሥ ነው።
በምድርም መካከል መድኃኒትን አደረገ።
አንተ ባሕርን በኃይልህ አጸናሃት።

መጋቢት መድኃኔ ዓለም ክብረ በዓል ሥርዓተ ማኅሌት

አንገርጋሪ

መርሕ በፍኖት ሞገሶሙ ለጸድቃን፤ ዝንቱ ውጊቱ
መስቀል ፤ ለአዳም ዘአግብዖ ውሰተ ገነት ፤ ወለፈያታዊ
ኃረዮ በቅጽበት ፤ መድኃኒት ዕፀ ሕይወት፤ ዝንቱ
ውጊቱ መስቀል።

መጋቢት መድኃኔ ዓለም ክብረ በዓል ሥርዓተ ማኅሌት

እስመ ለዓለም

ብከ ንወግዖሙ ለኩሎሙ ፀርነ ይቤ ዳዊት በመንፈሰ
ትንቢት፤ በእንተ ዕፀ መስቀል ዘተሰቅለ ዲቤሁ
ቃለአብ፤ ወበስምከ ናኃሥሮሙ ለእለ ቆሙ ላዕሌነ፤
ወካዕበ ይቤ ወወሃብኮሙ ትዕምርተ ለእለ ይፈርሁከ፤
ከመ ያምሥጡ እምገጸ ቅስት፤ ወይድኃኑ ፍቁራኒከ፤
ወንሕነኒ ንትፈሣሕ ዮም ወንግበር በዓለ ፤ በዛቲ ዕለት
በዓለ እግዚእነ።

መጋቢት መድኃኔ ዓለም ክብረ በዓል ሥርዓተ ማኅሌት

ሰላም

መስቀል ብርሃን ለኩሉ ዓለም መሠረተ ቤተ
ክርስቲያን ከሳቴ ብርሃን ወሀቤ ሰላም አምላክ ዘለዓለም።

የጊታችን የአምላካችንና የመድኃኒታችን የኢየሱስ ክርስቶስ ይቅርታውና ቸርነቱ ለዘለዓለም ከሁላችንም ጋራ ይሁን።
አነግሥቶ ለአስጀመረን ፤ አስጀምሮም ለአስፈጸመን ክብርና ምሥጋና ለአምላካችን ይሁን።
ለዘለዓለሙ አሜን።
መልካም በዓል!!!

ጌታሁን ተሾመ
{ኃይለ ገብርኤል}
መጋቢት ፲፫ ቀን ፪፻፲፯ ዓ.ም
Getahun Teshome
March 22, 2025
Pickerington, Ohio USA

(614)432-5844
bereded62@gmail.com